

POSEBNI USLOVI ZA PRILAGOĐAVANJE OSIGURANIH SUMA

LV 80031

Primjena uslova

Član 1.

Odredbе ovih uslova upotrebljavaju se kada osigurane sume iznose 3.500 EUR u protivvrijednosti domaće valute ili više.

Osigurana suma se mijenja u skladu s porastom troškova života koje objavljuje Centralna statistička služba. Prilagođavanje osigurane sume vrši se ako je porast životnih troškova od početka trajanja osiguranja, odnosno prilagođavanja osigurane sume veći od 5%.

Prilagođavanje osigurane sume vrši se svake osiguravajuće godine.

U skladu sa povećanjem osigurane sume vrši se i povećanje premije osiguranja za naredni period trajanja ugovora o osiguranju.

Prilikom obračuna povećane premije osiguranja primjenjuju se odredbe o popustima na visinu osigurane sume, ako je to predviđeno tarifom, kao i doplatci na premiju za osiguranje bez zdravstvenog pregleda.

Za navedeno prilagođavanje nije potreban ljebarski pregled.

Isključenje primjene uslova

Član 2.

Posebni uslovi za prilagođavanje osiguranih suma se ne primjenjuju:

- ako ugovarač osiguranja ne želi prilagođavanje osigurane sume,
- pet godina prije isteka ugovora o osiguranju, ukoliko posebno nije ugovoreno i
- ako je osiguranje djelimično ili u cjelosti otkazano ili je izmjenjeno u osiguranje oslobođeno plaćanja premije (kapitalizovano).

Prilagođavanje osigurane sume dodatnog osiguranja nesrećnog slučaja za slučaj smrti

Član 3.

Povećanje godišnje premije osiguranja odnosi se na osiguranje života. Ako je zaključeno i dodatno osiguranje za slučaj smrti, osigurana suma za to dodatno osiguranje povećava se u skladu sa povećanjem osigurane sume za osnovno osiguranje života.

Premija osiguranja za dodatno osiguranje od posljedica nesrećnog slučaja za slučaj smrti takođe će se povećati u skladu sa povećanjem osigurane sume.

Prilagođavanje osigurane sume i učešće u dobiti

Član 4.

U skladu sa odredbom člana 20. Opštih uslova osiguranja života s pravom učešća u dobiti, ugovarač osiguranja ima pravo na učešće u dobiti i na povećanu osiguranu sumu ako ta povećana osigurana suma postoji najmanje dvije godine.

U prvoj godini po povećanju osigurane sume ugovarač osiguranja nema pravo na dobit na povećani dio osigurane sume (alternativa: za godinu u kojoj je povećana osigurana suma ugovarač osiguranja nema pravo na dobit na povećani dio osigurane sume).

Predsjednik Upravnog odbora

Marko Mikić